
“ЁШЛАР ФЕСТИВАЛИ”НИНГ ИККИНЧИ КУНИ ҲУНАРМАНДЛАР ШАҲРИ МАРҒИЛОНДАН БОШЛАНДИ

“Янги Ўзбекистон ёшлари, бирлашайлик!” шиори остидаги “Ёшлар фестивали” нинг иккинчи куни Марғилон шаҳридан бошланди.

Бу ерда иштирокчи ўғил-қизлар Ҳунармандлар марказида бўлиб, дунёга донғи кетган миллий матоларимизни ишлаб чиқарилиши билан яқиндан танишдилар. Нафақат ички, балки жаҳон бозорида харидоргир бўлган ушбу маҳсулотлар машаққатли қўл меҳнати билан тайёрланиши Республикамизнинг турли вилоятларидан келган ёшларни ҳайратга солди.

Тадбиркор Иброҳимжон Султонов ташаббуси билан давлат-хусусий шериклик асосида барпо этилган Ҳунармандлар марказида 600 нафар уста фаолият бошлаган. 200 дан ортиқ турдаги атлас ва адрас тўқиш, гиламчилик, маиший хизмат, тикувчилик, ҳунармандчилик маҳсулотлари ишлаб чиқариш йўлга қўйилган. Бундан ташқари, яна 2 мингга яқин хотин-қизлар, ёшлар бандлиги таъминланган. Фестиваль қатнашчиларига ана шулар хусусида маълумотлар берилди.

[Бизни ижтимоий тармоқларда кузатинг Facebook,](#)
2021-06-19 17:46:34